

凡例

引用諸堪輿書目

項

附止 集一歎

附止 集二歎

論崑崙為諸山之祖

終始中國

三才輯龍總覽圖

# 人子須知

論本州山鎮川澤

論山所庇藏

論水所流注







重刊人子須知序

嘉靖辛酉春余以京邸會星槎金太史  
談堪輿家書不啻數十百種類皆繁雜互  
相牴牾仁人孝子一朝爲父子豈無惴惴之  
得取至書而覽之無以爲法以弗克  
盡心而憾惟德興徐氏兄弟所著人子  
知一書會諸書而折衷之是以破疑



尚矣乎也然余聞其言未見其人也自  
商於政以歸誠多書於坊間兩見刻本  
深素云子用心之密而執筆太史之言此證  
惜字多訛舛此為厭觀也辛巳冬雪杜  
李太史為身人方伯公卜地乃移公中丞  
王公為坊云子來云杜時伯子已入閩越  
迎其季子來功襄大事余及自太史



唐迎季子及高第弟子涂子于郢中  
而卜地計見季子儒雅蘊藉迫起必  
相与游愛聚一裁暇日出手録善本示余  
未幾伯子亦自湖南至更相是正者久之  
余因念茲言不偶而著述已終從而校定  
入梓出海內之仁人孝子隨之而從事  
庶無弗克盡之憾矣乎時



萬曆十有一年癸未孟夏望日鄆  
中陽白居士曾璿子玉甫撰



郢中重刻人子須知序

德興徐維志維事兄弟蓋繫云少力足諸生  
遭亦難奔去治形家言德興故多堪輿家見  
以為未恤市志更在四方求勝已者而師事之  
德興  
燕之吳楚回越名城大者偉院之觀經嶂卑幽  
望猿鳥之徑遺墟荒陬孤兔之宮皆窮躋細絕  
於後已凡三十年之業成著書曰人子須知學士



大夫雖如之造清室者皆自庭中羔鴈為群多  
先通孝公居王父喪取書置瓦上手校讎紙笑  
墨逾井解也無日先通孝不寐決孤顙為懼不足  
以懷大子則迎致維事來占計之君故儒者拘之  
所不能言比登覽即子思立指顧中取弘少君  
眾多能決君徐出片語而令人延弗也古者信  
曰述兄來三千年功績盡在斯編矣今三千年之聞



兄曰是太史公幸而我忠臣不佞所不敏會君有郢  
曾句空聘更維志之是以荆南來通出心所得扣質換  
蓋殆半日空遂以付剗刷云云謂不佞與中多事屬  
多以遠其傳不佞竊歎文術業之難立而盛名不  
易居也君恒言云云受當主胸子古有獲多聞事  
建此書亦堪與古書而不合也自用公山如閑裕中  
吾求之不合也晚而求之古今墓宅成敗已驗之



極而合者十六七矣夫西戎山河首西而足東南形  
勢利便望一端而已自吾涉淮水渡漢南以窺中原  
秦蜀而驗吾極占前代名家壁畫無不合者多聯  
手眠足夢心焦思其成之難也君兄弟名籍甚而  
忌者之口亦無所不能招入郢人矣詎曰是商  
顏皓首而儒衣冠者英雄欺人耳市席杯蛇轉  
相局意君幾無以自飾斯名乃傷國矣嗟呼矣論



君居執無論今之人漢子雲氏作太玄列聖之書  
舉世莫能知將拒彈奇其辭謂五百歲之後興  
老氏不云字知我希希貴彼之子雖戶說以論  
終不能化後以有言不佞之言君第藏之名山可  
矣

萬曆癸未歲孟春之吉

賜進士出身亞中大夫河南布政使司右憲政前陝



西撫索司副使奉

勅提督學校翰林院

國史修撰雲杜李維禎叙



舊序

江右徐維志維事氏伯仲著資孝堪輿書曰人子須知因通家仰湖費夫人馳請余言適客有在坐者遽矍然曰人子之所當知者豈惟是哉且孝亦未易以言也若大舜終身之慕武周之繼述曾參之養志斯孝矣顧屑屑於一藝一能謂之曰孝吾惑焉余解之曰人子之於親也固當無所不用其極况地理尤切於送終以當大事者乎傳曰事死如事生苟於其親之歿也置蟻泉沙礫中無異委壑孝安在哉是故風水之說固不足信而厝親之舉則所當重也生人之



禍福固不足計而化者之安危則所當慮也曾謂舜之大孝武周之達孝曾參之純孝厥念乃不逮此歟誦夫子宅兆之訓程子五患之戒則地理固人子當知之切務而非彼一藝一能者比也謂之曰資孝亦宜矣且觀其書分條析類明切該博闢諸家之陋習啓天下以孝誠信有補于世教者不可以其術而忽之也客唯唯而退因書以歸之

賜進士及第光祿大夫左柱國少師兼太子太師吏部尚書建極殿太學士知制誥 經筵 國史總裁  
華亭存齋徐階撰



舊序

世所論堪輿家率以相地之術易視之夫堪輿非術也昔神禹敷土隨山刊木因九河之勢奠厥民居公劉之遷都相陰陽觀流泉周公卜洛營周居於洛邑自古重之久矣自左僊著龍經郭景純著葬書俚談曲說之士遂各以所見售世流爲藝術則世之易視之也固宜夫宇宙亦大矣術家者旣不能長駕萬里窮章亥之所步復泥俚談曲說不取正於大方家如執蹄涔議絳虬安可得乎論法象者莫辯乎易其曰天地定位山澤通氣夫位有定而氣實通焉絀繆磅



薄游魂靈怪氣也蒸爲風雨應爲列星流形於山川  
草木亦氣也氣也者載大地而浮之也是故山氣多  
勇澤氣多瘠谷氣多痺險阻氣多壽郭景純曰啓陳  
發新朝海拱辰左僊以北戒山起於闐左支極之於  
南戒山自右支極五嶺其言曰山行有斷脉不中絕  
山澤通氣之說也世之業堪輿者能知之乎夫建都  
立邑載諸經者吾無論已郭景純論葬法曰葬者藏  
也乘生氣也世遂以氣休咎論禍福不揆葬義所自  
起孟軻氏不云乎且比化者無使土親膚於人心獨  
無校乎吾以是知葬之起也盖仁人孝子之心也不



乘生氣避五患萬一奪烏爲而飼螻蟻其與委溝壑者何殊哉夫善愛親者疾必擇名醫莖不敢以付庸術蓋慎之也是故乘生氣避五患以寧吾親以畢吾終天之願此仁人孝子所爲心也非徒以鬼福論休咎也彼堪輿者僅能以其所嘗試者藏遺器於造化而卑吾仁人孝子之心其道亦大矣哉世烏得而易視之吾徒有儒生徐維志維事伯仲嘗輯堪輿言曰人子須知就正於余閱其議論該博發理精詳會躰用於一原折貳疑於百氏真足以挽俚談曲說而歸之正者因書此以序之云



賜進士及第南京國子司業前翰林院 國史編修

浮梁星橋金達撰

予謝仕二十餘年於六經外百家之書靡不探究惟  
庖犧氏之卜筮岐黃氏之醫藥郭景純之蓍法誠可  
以利天下者皆得謂之仁術宜乎其江河屢變浮雲  
易狗而三術之行於萬世者不廢也蓋制作之美則  
愛愛則傳人情理勢其固然歟吾邑徐君少峯仰峯  
二難擇其所誤資孝堪與書出以示余皆精神獨得  
之妙也余閱而繹之見其廣搜乎天下山川脈絡之  
源旁及乎遠近名家僊跡之式參之以古先鴻儒大



方家之緒論摹寫乎五星變換不一之形跡逐節斷  
以己意一理貫通而宜叶乎人情誠有深得夫晉室  
明賢衆生氣之肯綮者要皆明切簡易暢於辭華譬  
之翰墨家人稱爲布帛菽粟飲之而弗厭者覽之易  
入習之易超允矣通世之寶訓可愛而傳也且其教  
人安厝以當大事舉所珍重而得隆其孝示所勿犯  
而得全其仁端持身之德本於國家之風化者由此  
而出矣矧二君以穎敏之資有聲藝苑行可大鋪張  
而乃幡然浮雲軒冕放情山水發其所蘊以資孝道  
於天下後世是二君雖遯世而尤闡達者及物之事



功謝上蔡所謂幾枉一生之恨二君可免也猗歟休哉一時賢士大夫各出金石固已有公論矣又奚余之喋喋乎雖然智者作法愚者咻焉賢者更制不肖者拘焉安得天下孝子慈孫誦君之書超然陳迹之外通其巧於心目之間不遇以書而遇以目不遇以目而遇以神洞其真而契其妙以廣二君仁孝教天下之本心此二君未露之義意也余故因其請而并以及之二君生同一乳宋太師忠愍公裔理學秋谷先生八世孫銀邑世家云隆慶己巳八十四叟春生張琨書于銀麓精舍



古昔聖人握造化之樞探陰陽之竅仰觀俯察以闡  
天文地理之蘊故璣衡察而象緯之數莫爽夫惟坤  
厚載物山澤通氣冲和鬱靈微妙鮮測粵自遷岐相  
洛時其陰陽而風水之說寔肇其端三代以上邈哉  
邈矣漢晉而下哲人繼踵其著名於世有若郭卜曾  
楊吳廖賴傳者稽其授受有巒頭天星之傳觀其著  
述有青囊莖經等作歷世漸遠敷詞益繁然皆逞其  
臆說狃於偏習而未能會其全也饒郡徐君伯仲少  
負奇穎馳譽片泮因襄大事雅志山水而於堪輿諸  
書研究底蘊已自諗曰是局聞見未悉大觀廼遍歷



寰宇日與薦紳諸大夫遊凡名山形勝世族宅兆登覽摹圖相爲印證克然有得繇是厭諸說之汗漫乃旁稽博采撮要刪繁闡幽彰微而凡形勢天星不傳之秘悉皆列款圖形分條析類辭義備具殆邃乎聖人俯察之理而發前賢未發之秘者矣編成示予爰定其名曰心學統會蓋取夫發揮純粹而獨得乎心悟筌法偏臆而統集乎大成者耳授吾鉛王上舍梓傳善乎二君之志也其錫類於天下之仁人孝子者厥功深矣哉厥惠溥矣哉隆慶戊辰仲冬之長至日奉直大夫南京刑部廣東清吏司員外郎鉛山東臬



余鎡誤

三才一理而天其宗乎地匪天塊然已何以效厥能  
人匪天蠢然已何以效厥靈故地必曰理有以哉夫  
天言乎其氣地言乎其形而地之所以爲地則生生  
之氣氣之所以爲氣則生生之理傳曰天包地外吾  
則曰天入地中不特虛靈爲天而蓋九垓之下皆天  
也亦微矣世之求地者苟不從事乎天則本先撥矣  
又安足語此稽諸古聖未有以地言者堯都平陽舜  
都蒲坂禹都安邑湯都亳天下之大地理歸焉迨周  
公洛邑之營夫子宅北之山二聖人豈徒然哉營洛



爲民安而國安宅兆爲親親安而子孫安是皆本  
天心察地理所謂仁人孝子之用心也故人子卜宅  
兆要當以安親爲念豈惟求諸地哉必求諸吾靈臺  
方寸之天可也眷家徐維志維事伯仲少爲邑弟子  
未幾以家難棄去因莖親不忍委庸術遂雅志山水  
徧遊四方歷涉歲久聞見日博乃出心得著堪輿書  
命曰人子須知鉛邑王上舍壽梓廣其傳徵言於予  
首誦古戒良契吾天特表之以爲外天言地者勸若  
其論斷圖形觀者當自得之二君與予際沙兄友善  
嘗從海內諸大君子究性命學此特其緒餘云隆慶



己巳端陽後三日同邑暖川南山祝眉壽撰



須知

一

二



人子須知目錄

第一卷

凡例 凡十三條

引用諸堪輿書目

瑣言 凡十條

附止止堂集一款

雜說二款

第二卷 龍法

論崑崙爲諸山之祖

總論中國之山

三大幹龍總覽圖



論九州山鎮川澤

論山河兩戒

論三大幹龍脉絡

第三卷

論帝都

歷代帝都圖并考

論帝都必合星垣

論北龍所結帝都垣局

論中龍所結帝都垣局

論南龍所結帝都垣局



第四卷

總論枝幹

論幹龍

論枝龍

附隨龍穴格諸圖

建安楊太師祖地

杭州江尚書祖地

蘭谿唐狀元祖地

蘭谿趙探花祖地

承天曾尚書祖地

休寧程尚書祖地

杭州高相公祖地

第五卷

總論支壠



論龍旁正

論龍老嫩

論龍長短

論龍真假

論龍貴賤

第十卷

論龍駐蹕

論龍行止

論龍分擘

論龍背面



附德興長塘諸仙跡名墓圖

論龍賓主

論龍奴從

論龍餘氣

附新安朱文公祖地 莆田林逋墓

樂平洪忠宣公祖地 樂平馬承相祖地

德興張忠定公祖地

第十一卷

論龍分三勢

論龍分三落



論龍卜二格

第十二卷

論出脉三格

論受穴三等

論入首五格

附建陽蔡九賢祖地

德興祝解元祖地

論入穴十二脉

論結穴五局

論結局三聚

第十三卷



總論五星

論五星之形

論五星之名

論五星清濁凶三格

論五星山岡地三格

論五星躡性

論五星所忌

論五星所喜

論五星聚講

論五星連珠



論五星歸垣

第十四卷 穴法

穴法總論

論窩形穴

附銀邑余氏祖地

秦寧楊溥墓

豐城陸侍御祖地

樂平許溥墓

德興余進士祖地

第十五卷

穴法總論二

論鉗形穴



附京山王御史地 承天尚書祖地

莆田葉布政祖地 莆田葉布政祖地

台州王氏祖地 龍泉張御史祖地

第十六卷

穴法總論三

論乳形穴

附余氏三郡侯祖地 舒御史祖地

臨海何尚書祖地 台州金侍郎祖地

南康陶尚書祖地 臨海孫太守祖地

第十七卷



穴法總論四

論突形穴

附石埭畢尚書祖地

江山趙都憲祖地

豐城黃大叅祖地

豐城袁氏祖地

論邊窩穴格

附德興傅學士祖地

吳園張氏地

論並窩穴格

附餘姚周都憲祖地

論分鉗穴格

附石埭畢尚書祖地

附石埭畢尚書祖地



論閃乳穴格

附婺源倪御史祖地

論側乳穴格

附貴溪夏閣老父地

論鵲突穴格

附浮梁盧氏九嫔夫人祖地

豐城楊尚書祖地



論並突穴格

附德興董翰林祖地

論有窩不葬窩

附南昌梓溪劉氏祖地

論有鉗不葬鉗

附石首王翰林祖地

論有乳不葬乳

附德興余氏眠犬形祖地

論有突不葬突

附永康徐侍郎祖地



第十九卷

論穴星三大格

穴星三格辨

穴星諸形

火星不結穴辨

五星穴格

第二十卷

論朝山證穴

附浮梁李八公地

劉漢四祖地

樂平戴廣一公地



論明堂證穴

論水勢證穴

論樂山證穴

論鬼星證穴

論龍虎證穴

論纏護證穴

論屠瓊證穴

附南昌劉都督祖地

江山王氏祖地

論天心十道證穴

附順昌廖憲副祖地



論分合證穴

第二十一卷

論穴忌

粗惡

峻急

附樂平生氏祖地

休寧山斗程氏地

單寒

臃腫

虛耗

凹缺



附鉛山余員外祖地

德興祝都諫祖地

豐城李氏祖地

瘦削

突露

破面

疙頭

散漫

幽冷

尖細

蕩軟



頑硬

嶠巖

附杭州茅狀元祖地

進賢樊氏祖地

莆田蕭員外祖地

莆田陳翰林祖地

杭州張尚書祖地

第二十二卷

論定穴之要上

太極定穴

兩儀定穴

三勢定穴



三停定穴

附新安王氏地 麻城黃解元祖地

四殺定穴

雌雄定穴

饒減定穴

聚散定穴

向背定穴

第二十三卷

論定穴之要下

不山食水定穴



枕龍耳角定穴

藏神伏煞定穴

附明溪許侍郎祖地

近取諸身定穴

指掌定穴

遠取諸物定穴

流星定穴

八卦定穴

第二十四卷

續穴忌



程子論五患

朱子論五要

郭氏五不焚又三言六四

楊公三不焚

厲伯韶四不下

凍搏四要

廖公六戒

青烏十不相

廖公穴星八病又穴面四病

淳風八病脉又穴七凶



泓師三十六絕

八式十二例

劉白頭十無脉

洪氏二十四殺

張紫瓊三十六怕

白玉蟾四喻

附辨穴真假傷龍傷穴說

第二十五卷

論恠穴

恠穴破惑歌補註



第二十六卷

附巧拙萬金歌增解

南安傅氏石巧穴

永康王氏泥水穴

永康施氏騎龍穴

泉州黃氏天藏穴

莆田郭氏天巧穴

陳霸先祖地騎龍穴

華容劉氏曲乳穴

台州侯氏緩受穴

臨海戴氏凹風穴

台州秦氏脫煞穴

華容黎氏特異穴

泉州黃氏天平穴

泉州曾氏天巧穴

績溪張氏山巔穴

第二十七卷

砂法



砂法總論

論青龍白虎

論朝案二山

第二十八卷

論平原無朝案

論不見外陽

附蔡西山地

京山李方伯祖地

台州陳會元祖地

杭州胡尚書祖地

台州王氏祖地

莆田方簡肅公地

臨海鄧少卿祖地



論朝山暗拱

論朝山亂雜

附樂邑徐駙馬祖地

蘭谿范氏祖地

論孤峯獨秀

第二十九卷

論前應後照

附承天曾尚書彭澤始祖地

徐國公始祖地

論左輔右弼

論天門地戶

論羅城垣局



第三十卷

論樂山

附浮梁金探花父地 廣昌何尚書父地

紹六徐公地 孫解元祖地

論下手砂

附廣信丁太守祖地 泉州莊氏祖地

銀邑筮氏祖地 常山樊尚書祖地

論水口砂

華表

捍門



北辰

羅星

第三十一卷

論官星

附京山王都憲祖地

梓溪劉氏始祖地

論鬼星

附婺源汪氏愿公地

吉水劉狀元祖地

豐城雷尚書祖地

葉氏始祖地

浮梁方氏地

論禽星



附建寧李天官祖地 秦和歐陽氏祖地

德興瑤溪張翰林祖地

論曜星

附浮梁李侍郎祖地 豐城黃尚書祖地

樂平黃尚書祖地 沐國公祖地

臨海王侍郎祖地 德興張尚書祖地

台州謝皇后祖地 台州蔡尚書祖地

第三十二卷

口議 凡九條

砂圖上



第三十三卷

砂圖中

第三十四卷

砂圖下

附張天師祖地

第三十五卷

水法總論

論水發源

論水到局

附陳九萬父地



論水出口

論朝水

附叫巖寺名地

樂平汪氏祖地

論去水

附建安楊文敏公祖地

樂平許學士祖地

豐城李天官祖地

丹徒費侍郎祖地

論聚水

附丹陽賀廉憲祖地

南昌張翰林祖地

常山詹進士祖地

第三十六卷



論諸水

凡二十二條

海潮水

黃河水

江湖水

溪澗水

平田水

溝洫水

池塘水

附昌江朱尚書祖地

南昌陳會元祖地

豐城杜侍郎祖地



天池水

注脉水

附朱文公母地

源頭水

沮洳水

臭穢水

泥漿水

送龍水

乾流水

合襟水



極暈水

元辰水

天心水

祿儲水

真應水

附湘陰夏忠靖公德興祖地

呂相公大冶祖地

論諸泉

凡十四條

嘉泉

冷漿泉



醴泉

湯泉

礦泉

銅泉

湧泉

賤泉

浹泉

黃泉

漏泉

冷泉



龍湫泉

瀑布泉

第三十七卷

論明堂

明堂吉格

凡九式

明堂凶格

凡九式

第三十八卷

論水城

五星水城

凡二十格

水城詳議

凡一十二格



第三十九卷

論水形勢 凡三十一格

朝懷水

衛身水

附晉江蔡虛齋祖地  
臨海秦狀元祖地

聚面水

盪胸水

拱背水

入口水

九曲水



腰帶水

倉板水

附德興戴都憲祖地

迴流水

附都昌吳孝子祖地

暗供水

融瀦水

附石首王都諫祖地  
潜江郭給事祖地

杭州李狀元祖地

鳴珂水



瀑面水

衝心水

射脇水

裹頭水

牽鼻水

附安溪詹氏祖地

承天蔣氏祖地

穿臂水

反身水

割脚水

漏腮水



淋頭水

交劍水

分流水

漏槽水

捲簾水

流泥水

斜撥水

反挑水

刑殺水

第四十卷



總論陽基

陽基龍穴砂水大槩

論平支陽基

論山谷陽基

陽基諸圖

第四十一卷

泄天機諸入式歌

陰契陽符

第四十二卷

補遺

論風水要逆



論顛倒卽送

論乘生氣

論淺深

論風水無全美

論土色不必拘

論墓必擇良期

論風水不可妄加築鑿

論風水有夙緣

第四十三卷 天星

辨證諸家星卦之非



論九星之謬

論卦例之謬

論三合龍之謬

論四龍分卦之謬

論星卦諸偽書之謬

論宗廟水法之謬

論國音拘向之謬

論斷驗小數之謬

論克應讖兆之謬

論通書諸神殺之謬



堪輿宗旨

堪輿三昧論有引

第四十四卷

陰陽告原

太極圖并說

河圖并說

洛書并說

原八卦

原支干

原配納



原土圭二十四定位

原陰陽

第四十五卷

原五行

原金卦

第四十六卷

原天星

第四十七卷

原三易

原孤虛旺相



原宥度

附南針說

樹泉圖

朱子山陵議狀

人子須知目錄畢



人子須知卷之一

凡例

一是編爲人子設非爲術家設故凡不避下辭或限  
數陳口訣而不作詩歌以爲記誦便書定字有米  
一是編惟務通俗俾易知識初無意於組織文辭以  
絢觀美是以直舒其旨而不嫌於鄙詳述其奧而  
不慮乎繁卽於前後之重複辨證之瑣屑與夫照  
應不齊言論膚淺俱弗暇恤耳

一是編所收諸名地圖不過爲釋疑設耳故於緊要  
相關處援古證今具圖詳說以發明之其間或因



論龍穴而略於砂水或因論砂水而略於龍穴惟  
所重處特加詳焉其他莫能悉及蓋寸箋半簡間  
摹數百十里山川烏可兼備哉闇者或病其不類  
緣識見不同耳祝觀物先生云圖圖圖模糊模糊  
復模糊一人摹一樣十人畫九圖信哉善觀者當  
自得其妙又安可按圖而索驥

一凡諸名地圖皆予兄弟足目所經涉者或名師杆  
點或課驗不爽或發越確應必有明徵可爲法則  
者斯收之否則無徵不信何可泛收

一凡諸地圖必著其土名山向某師所下及詳所出



人物官爵不以瑣屑自嫌者固所以徵其實蹟亦欲人于因此可以索微探賸得意於筆舌之外毋以是而反啓疑議焉

一凡引用諸名師語或稱姓氏或稱書名或稱號稱字或止稱某氏某公從便也其不著者闕疑耳多吾鄉者考據切實云

一凡折衷諸說是非亦惟據於已驗仙跡及名師議論理之長者取證也

一凡收諸名地圖既有敘說矣又間有補義釋義及有傳奇傳疑者或以取證或以申明非瑣也



一凡設龍穴砂水諸圖式立法有不得不然者但不  
可執泥耳生山不與盡山同固有山水奇妙處雖  
良工不能施其巧在智者觸類而推可也

一凡名地有遠至數百年後而方有福應者有近只  
數年而即有福應者世俗多泥葬地後所生人古  
能受蔭即此太遠太近豈不荒唐哉予兄弟初嘗  
深疑久而徧徵灼然不爽蓋驟發遲發亦猶悟學  
有頓門漸門之義漸發乃常理共知不必辨其驟  
發者如陶氏之牛眠穴王氏之折臂三公地固已  
彰彰明驗于世不可謂無此理也茲於編中所及



諸地惟取其真是應廕者不以年代遠近拘特揭  
諸此以告觀者毋疑焉

一不佞嘗謂地學須致力三多而究心地書不與焉  
何謂三多多參明師則傳授真而所聞博多觀古  
格則所見廣而是非明多經窺竅則歷鍊精而真  
見定地書固宜多覽然紙上陳言又在三多之外  
矣且人子安能盡此三多故於是編多載名圖俾  
人子精加紬繹虛心詳究三多在其中久之自有  
心領神會豁然貫通而俗師淺巫莫能誑之不於  
慎終之孝有相矣乎



一凡鉅室美地固非一穴楊公所謂衆墳合力却成大又云須取衆墳衆議斯確論也故茲所收之圖有一家而二三地者職此耳

一地理家諸書繁浩條緒多端真贋並列未易悉辯緣督僂翁所謂得訣歸來好看書確論矣茲於編中撮其精當者取以質證或摘一二句或采一二節或兼摭數人之言或備錄一家之說或斷章而取義或櫟括以爲辭意在發明非敢務博也

一編中曰右曰按曰已上曰補義皆理有所未盡而復申明之特變其發語之辭耳



自序

擇地一事人子慎終切務也孔子有卜宅兆之訓孟子謂比化者無使土親膚程子有避五患之戒朱子謂必慎必誠不使少有他日之悔聖賢垂教其慎如此欽惟我皇朝以孝治天下迄今二百餘年聖聖相承仁恩磅礴大臣命婦咸有卹典親親之教視古尤加誠以生事死葬禮之大焉且事死如事生而葬必慮夫親魄之安危又天性有不可解者豈惟拘拘於彼術家所謂禍福之說哉但化者旣寧則生者自昌先正謂由根達枝斯定理也予不幸早孤思得



善土以奉先靈不敢付諸術讀易之暇因究其理求其槩且確者盡安厝之誠以塞人子當知之分與夫分內之可爲事耳然天地大父母則有生天地間者皆吾同胞類也吾不欲苟於宅窆以畢子職而天下獨非盡人之子歟矧推親親之愛大無我之公尤吾儒所謂理一焉者其寧恣然於斯耶於是忘其僭陋與弟善述日加鑽研會諸說而折其衷芟繁蕪而歸其要合形勢方位于一家以龍穴砂水爲四例輯成一書簡易明切頗有便於慎終者之探索目曰人子須知蓋欲天下之爲子者各親其親而吾之所知不



獨爲一人之知云昔人謂芻蕘之言聖人擇焉苟自  
其人心之有知與不可不知者須以求之則於卜宅  
兆避五患以畢夫安厝之大事者斯有以得其要領  
而不爲邪說所惑庶上可以敷聖君賢相澤及枯骨  
之仁下可以盡肖子慈孫厚本慎終之孝亦國家孝  
治天下之一端吾儒窮理盡性分內事也若槩視爲  
術家之說非予弟兄蒐輯之本意矣

嘉靖甲子孟春德興山人徐善繼書于雙芝堂

予嘗觀宋儒牧堂蔡先生家訓云爲人子者不可不  
知醫藥地理惕然心動不幸先君蚤逝生無以爲養



所可圖者惟宅兆一事耳於是與季兄棄舉子業治堪輿家言所過名山大川古今陵墓必周覽久之而後去更事師亦不啻數十人如此者垂三十年而後稍有端緒夫術家妙契陰陽明通觀察雖代不乏人然各私相授受其流之弊遂致矛盾冰炭右天星者黜巒頭言形勢者闢方位穿鑿附會之說與詆毀聚訟之談紛然莫可究詰人子欲葬其親茫無所據有遺憾者多矣予竊取而權衡之形勢審於未穴之先先大之本艸也方位察於倒杖之後後天之妙用也先天之艸出乎自然天也後天之用盡乎當然人也



財與用不可偏廢天與人相待並行鳥得執彼廢此  
耶乃以平昔所講求經涉而有得者定爲成書先列  
繼踵之要次附天星之法形勢方位各有攸常天人  
財用不相背違俾孝子慈孫欲安其先靈者不爲偏  
見所誤命之曰人子須知夫舉千古不決之疑而擱  
然兼總其全僭越之罪何辭可解乃私心要在於資  
孝云爾世當有諒我者矣

嘉靖甲子孟春德興山人徐善述書于怡怡軒



又序

郢中重刻自序

不佞曩以先人襄事與季兄究心堪輿家問有一得  
筆之爲書名曰人子須知鉛山見溪王君書林余氏  
雖嘗兩刻病其未備每欲再訂弗暇也辛巳夏中丞  
王公太史李公召入郢明年春又知遇司空曾公客  
郢兩寅頗多隙日乃取前書緒正之會季兄亦自荆  
南來更相與討論潤色刪繁補遺較昔所著合者十  
又四五錄成司空不鄙校梓廣傳弟蟲測管窺極知  
不可以爲訓念吾兄弟自少遨遊四方今顛毛種種



矣三十年間心力盡在此編獎帛千金不忍遽棄耳  
或謂余嘗從薦紳談性命之學何屑屑於此迷而不  
返余謂西山先生父子及草廬吳公皆儒者宗嘗著  
發微論發揮玉髓刪定葵書君子不以此少之即朱  
子所上山陵議狀有味哉其言之也且送終人子大  
事而付之庸師之手夫親之謂何余爲此舉凡以共  
子職而已天下豈有無親之人哉敬與爲人子者共  
之高明之士竄定紕繆出特見以相長在所願也  
萬曆癸未春月吉旦山人徐善述書于郢中之陽春  
書屋



引用諸名家堪輿書目

青囊經 秦之隱君子軀易而作陳希夷註釋稱天機書按世言堪輿家爲青囊術蓋祖此耳

青烏經 秦青烏子著

搜山記 漢朱桃仙著

赤雲經 漢留侯張子房著

六甲配卦圖 漢京房著

孤首經 按曾篤谿謂得自沈氏萬卷樓中無作者名氏郭璞葬書所引之經卽一也

錦囊經 卽葬書晉叅軍河東郭璞著宋西山蔡文



節公訂定元草廬吳文正公刪正

捉脉賦 晉太尉長沙公鄱陽陶侃著侃將葬母失

牛遇異人指牛眠穴位至三公今催官說始此

小卷陰陽正要 唐司天李淳風著

大衍曆分度 唐內供奉一行禪師著

理氣心印 唐亞父聞喜丘延翰著

雪心賦 唐昭文館學士章貢卜則魏著

疑龍經撼龍經畫茭圖四大穴法立錐賦撥砂圖胎

腹經望龍經倒杖法 俱贛州楊筠松著筠松名蓋

號救貧仙南唐時人曾文辿師也



心鏡尋龍記陰陽問答 雲都曾文延著

一粒粟 楊筠松著劉誠意伯註解

游氏家傳啓蒙 南唐僉判新安游潛著潛國師何

令通堵也

金鎖秘訣 五代陳搏著搏字圖南亳州人受業曾

文苑隱居西華山宋徵不起賜號希夷先生

黑囊經 五代范越鳳著一云楊筠松著

洞林秘訣尋龍入式歌 越鳳著

焚經六卷 隋蕭吉著

龍經三卷 左仙著



太華經 之華真人許亮著

撥砂經 陳亞和著

吳氏家傳口訣 五代德興吳克誠著誠南唐國師

吳法旺子受業西華陳希夷

玉髓真經 宋國師張子微著子微名洞玄天師張

道陵三十三代孫蔡西山先生增發揮

吳公解義註解心印龍格通玄歌吳氏秘訣 俱宋

國師景鸞著克誠子

泄天機 前廖瑀著按元曾葛谿俯察要覽云有兩

廖禹前廖樂平人後廖雱都人俱號金精術俱神



世天機本前廖著因余芝孫增入後廖地課及八  
式歌增首尾衍文世遂莫知有前廖禹矣今考前  
廖著述重巒頭後廖著述重天星後廖乃張公道  
明爲虔倅時所拔卒傳吳氏之學

陰契陽符師門心法金精口訣懷玉經赤人圖 俱  
後廖禹著

司馬陀頭水法 馬仙著荆門州馬仙觀有臺基尚  
存卽其成道之所也

發微論 宋閩蔡牧堂先生著解註十數家惟明鄱  
陽方伯余佑註本最善



囊金 一名心經上牢劉謙著新安謝子期註

光明大照圖 司馬大士著

催官篇旅寓集 宋賴文俊著俊官建陽棄職浪遊  
號布衣子後修真太乙峰下世傳仙去

玄澍經 宋浙右方斗南著

海底眼 劉白頭著

分金斷訣 厲伯韶著

三寶經 覺齋謝子逸著

陰陽正源 宋德興紫琅張真人著

堪輿要約 南宋國師德興傅伯通著



大理歌

南宋國師鄒仲容著容名寬德興人與傳

伯通同師廖金精

祝氏秘鉗

宋觀物先生祝必著

堪輿微義

元齊易岩著

俯察玄機

元學士傅文懿公立著立伯通玄孫祝

觀甥精皇極數學通天文地理

革象新書

元德興趙緣督真人友欽著

俯察要覽大全

元曾葛谿著

平沙玉尺經

元太師劉秉忠著明誠意伯溫鮮賴

敬仙補註



地理件目 吳曹著一名集解又名直指捷徑指南

吳景鸞裔也

金斗訣契法一掌金 雲外老人傅旭著旭伯通後也

金函經 天玉經 俱未詳所著

分金瀛海經 明德興董德彰註

四神秘訣天卦青囊南針論分金解 董德彰著

三易三元編 李玄緒著

叢珠素書 陳彥繹著游潛齋註疏

何家沙法 明豐城南塘何德宏著



地理摘奇

樂平洪理著

大地圖

松江徐長谷著

陰陽定論

泰和周視著

陰陽決疑

蜀太守南泉羅青霄著

堪輿正要

泰和龍岩樵著

堪輿管見

閩副憲雙湖謝廷桂著

昏衢炬燭

以下俱不詳作者名氏

萬萬山心法

趙緣督瑣錄

祝氏神龍經



水經

張落魄口訣

空山老人穴法

天涯海角經註

寸金穴法

四十字穴法

沙竹圖穴法

銅人穴法

相山骨髓

三式全書



其形神不安而子孫亦有死亡絕滅之憂甚可畏也  
陸象山曰通天地人曰儒地理之學雖一藝然上以  
盡送終之孝下以爲啓後之謀其爲事亦重矣親之  
生身軀髮膚皆當保愛况親之沒也奉親之軀厝諸  
地固乃付之庸師俗巫使父母軀魄不得其安則孝  
安在哉夫觀聖賢所論如此則擇地殯親之道誠仁  
人孝子之不可忽者若平居視地理爲末務而不之  
問一旦有大故則不免倉卒苟且爲之倖得吉地固  
所願矣不幸而置親軀於蟻泉沙礫中無異委之於  
壑不孝孰甚故人子須於平時講明其說庶幾他日



臨事不悞而親魄得安於地下矣雖然三折臂然後  
稱明醫地之理又非庸淺及鮮傳者所能究竟也苟  
曰予既已知之矣而自用自專悞凶爲吉牢不可破  
則其害奚異於庸師俗巫哉噫萬鎰之玉必付之玉  
人而後可也

一不可停柩不葬

司馬溫公曰今人有喪親者徃徃久而不葬問之曰  
歲月未利也又曰未有吉地也遊宦遠方未得歸也  
貧未能辦葬具也至有終身累世而不葬遂有棄失  
屍柩不知其處者嗚呼可不令人深嘆愍哉人所貴



於身後有子孫者爲能藏其形骸也其所爲乃如是  
曷若無子孫死於道路猶有仁者見而殮之耶且先  
王制禮葬期遠不過七月自王公以下皆三月而葬  
又禮未葬不變服食粥居倚廬哀親之未有所歸也  
既葬然後漸有變除今之人背禮違法未葬而除喪  
徙宦四方食稻衣錦飲酒作樂於心安乎吳草廬曰  
喪不卽舉年代已遠或子孫參差而人事不齊或罹  
兵亂而水火不測或貧病兼併而不能舉或是非爭  
競而害成或官事牢獄而不可爲或日怠日怠而竟  
成棄置皆停喪久遠而變見多端也愚按二公所言



極其痛切。蓋今之時俗。平居多置地理。於不問及有  
變故。則懵無所措。停柩以待擇地。初心雖切。久必因  
循。遂至醉夢過時。不知爲天地間極大罪人。有子不  
能葬其父。而孫又不能葬其祖。至於年代深遠。誠有  
如二公之所慮者。嗚呼。爲人子者。可不慄慄然而知  
所戒懼乎。

一不可侵葬祖塚

夫地理之法。雖繁而葬。乘生氣一言。足以盡其肯綮。  
故千里來龍入首。惟融八尺之穴。諺云。陰地一線是  
也。祖塚旣已乘乎一線之生氣。則其左右上下皆爲



死氣葬之徒爲蟻穴泉窟而已不惟新葬之柩將爲禍患且又泄祖塚之生氣驚祖宗之體魄其爲害不小也或曰中州之地始葬者南面後窆左右昭穆而殯謂之族葬有一穴安十數塚者有一塚安十數柩者似於侵葬未聞其禍何也予曰中州之地千里平洋水深土厚若得一穴可安十數柩者有之可安十數塚者有之張子微所謂也有一龍十數穴也有一穴十數塋者是也東南山叢水駛土薄易泉而多石螻蟻生之安可與中州比也或又曰附葬祖側及父母必合葬皆古禮有不可議者荅曰禮貴通變附葬



既有侵祖之嫌而合葬或不得已亦不必拘予兄弟

嘗遊閩至考亭拜文公朱夫子畫像及偏觀其先世

丘壠文公之祖退翁名森字良林墓在政和縣感化里護國寺西

父韋齋先生名松謚獻靖墓在崇安縣之梅里寂歷山母祝氏夫

人墓在建陽崇泰里寒泉嶺仰天湖形文公墓在建陽嘉禾

里九峰山下風吹羅帶形退翁以前墓皆在徽之婺源去考亭

固已甚遠而退翁韋齋文公之墓又各在一縣去考

亭皆百餘里何嘗拘於附近祖塚之說又攷文公葬

父亦嘗三遷而最後遷處與葬母同年按文公年譜乾道六年正

月葬母八月葬父亦未嘗拘於父母合葬噫此見我文公先



生燭理之明不狃於俗足可爲法矣

按文公年譜云紹興十四年葬韋齋於西塔山其  
後改葬於寂歷山中峰之原及考文公遷韋齋墓  
記曰初府君將殆欲葬崇安之五夫卒之明年遂  
定於靈梵院側時熹幼未更事卜地不祥懼魑魅  
之不安乾道六年遷於白水之鵞峰山下又考文  
公慶元五年撰韋齋行狀云公卒之明年熹奉其  
柩葬於崇安縣之五夫然公所藏地勢卑濕懼非  
久計乃奉而遷武夷鄉上梅里寂歷山中峰曾舍  
之北卽此而觀乃是遷葬也見建寧郡志



一不可圖葬舊穴

曾葛溪曰圖葬舊穴惑之甚也嘗見一舊穴雖前已發大貴子孫不肖鬻之凡三易主葬二百餘年卒無顯者人但指而言曰此某氏祖塚徙擲賣與某氏葬不利又轉賣某氏某氏皆不利即此可知舊穴無再發之驗又有葬後風遷水易者難以殫舉竟未聞葬舊穴而獲福者况憑福恃勢發他人之墳誅其用心已不爲天所佑地何能福之哉且地脉初興如火之始然及其既敗如灰燼已冷欲於冷灰中求炙手熱決無是理此古人謂圖葬舊穴如求嗣續於鶴髮婦



人耳按葛谿所論誠皆切當蓋人子求地葬親當先  
修其德謀葬已發之穴徙人之親而葬其親伐人之  
塚而爲已塚忍心害德莫此爲甚縱得地理天理何  
在予嘗謂人人難保百年墳徙擲重并太忍心莫道  
天公無報應後來還有伐墳人求地者宜知所戒  
一不可拘泥公位

世俗拘泥公位之說兄弟衆多者各懷私意爭論不  
決遂有終其身不殯其親者噫爲父母者每以子多  
爲幸今若此則是不若子少者無房分之爭得歸全  
於土而免久暴之慘矣是故求地惟當辨認真僞不



可拘泥公位地誠真義而於公位或有不齊此亦付  
之子孫福緣不可挾私而久暴其親亦不可信邪師  
之言妄有作爲而反壞其地且欲房分之均不可泥  
於一穴宜別求一穴以補觀之則得均矣楊公云豈  
可一墳分公位必取衆墳參互議是也大抵公位之  
說只可置之勿論蔡文節公云今人動爭公位之說  
以致久不葬親何所見之謬耶造化者自區處豈伊  
人力所能巧計地不可不擇當使亡魂安處至於自  
求多福乃在地理之外非可以徇私爲心纔有私心  
其計必左世俗以此誤自己誤子孫者甚多及不如



意從而遷徙愈更愈錯非地誤人用心之誤也程子  
曰不以奉親爲計而專以利後爲謀非孝子安厝之  
用心誠爲至論故人子但以安親爲念可也若日期  
生人之受蔭冀富貴於將來特末務耳況有葬後沙  
水變易而公位之說亦多不驗爲人子者須知大義  
豈可專泥於茲乎

一不可輕易改葬

孔子曰古者不修墓非不修墓也蓋必誠必信已當  
葬時而豫爲一成不動之計其慎重尚如此况舉既  
葬之親而欲改遷之何可以慎重不如是乎今之人



有輕信人言或為富貴而動其念或為禍患而惕其  
衷徃徃易於改葬彼其事得已耶抑不得已耶如其  
不得已而有水蟻及他患也改之無不可也然亦有  
為野師所惑誤改吉地者令親躰不免暴露吾恐仁  
人孝子當不止其顙之有泚矣青烏經云凡地有五  
不祥者可改一塚無故自隔二塚上草木枯死三家  
狂劫害刑傷瘟火五人口改之如見三祥瑞則勿改  
死絕家產耗散官訟不息  
一見生龜蛇生氣物二見紫藤交結棺木三有水珠  
抱色如乳溫煖或有氣如霧穴中乾燥無水蟻並吉  
甚哉有味乎其言之也予茲推廣其意特立五戒曰  
人丁蕃衍者不遷年代深遠者不遷無五不祥者不



遷不犯五患者不遷

程子曰須使他日不為道路不為城廓不為溝池室竈不為貴

勢所奪不為耕犁所及

家道平康者不遷誠欲其人之慎之也

雖然禮有改葬之服

總麻

曆頒啓攢之日古人亦未嘗

不遷如不得已須用明師再三商確大抵地無全義

只當察其輕重緩急如有財無人須求溫煖之穴有

人無財宜尋得水之地審有其地果勝舊墳然後議

遷如舊墳無大禍患可以平穩則當別求吉地接福

於後未為不可奚必於改葬哉是故慎之一字改葬

者所當繹思也

一不可專意圖大



求地且須辨真偽不必拘大小若龍穴真的縱力量  
輕猶能發越徒慕大地而不能辨真偽葬於假穴之  
中是置親骸於水泉蟻穴求福得禍顧何益哉蓋大  
地難識且有鬼神司之不可強求往往圖大地者雖  
小地亦不得而竟被假地所誤彼蓋不知安穩小地  
在在有之易於求索况小地既真數穴併力亦能致  
大楊筠松云大地難得小易求積累不已成山丘衆  
墳合力却成大人說小地生公侯又云是真不必問  
大小積小成大最爲好又云圖大不得且思其次此  
當與智者議旨哉言乎人子求地且知辨真偽慎無



爲圖大所惑也

一不可不觀古格

夫地理之學有道眼有法眼道眼生知不可尚矣所謂法眼者必從師授偏觀名墓何爲而吉何爲而凶龍穴何爲而入格砂水何爲而合局一一點檢以之爲法故曰法眼卜氏云追尋僊迹觀格在勝看書楊氏云勸君且去覆舊墳勝讀千卷撼龍文又曰見格多時心易曉見多勝耳千聞又云若不看格信人說俗師不曉能惑人是也故將欲營宅非必須先去多觀名墓僊迹以彼爲法則庶幾心目有主而不被



假地所惑誠一緊要事也爲人子者當念厝親是平生第一大事上爲親躰安寧之謀下保子孫久遠之計而不可憚其登涉之勞也

一不可不擇良師

曾葛谿曰求地必先擇良師師非其人爲害不淺誠哉言也蓋得地非難得師爲難得其師不患不得地也苟師非其人毀瓦畫墁雖有美地而或扞失其穴雖得美穴而或葬乖其法况欲其尋地乎故擇師又爲求地之先務也然地學之師亦難矣哉非通儒術不能窮理格物以致其知非真傳授不識鑿鑿微妙



以盡其奧通儒術得傳授苟蔑其德吾恐指鹿爲馬  
誣烏爲鸞而爲害尤甚是故備斯三者然後始爲良  
師雖然師固不可不擇擇而得其人又須竭誠以感  
之故曰取人以身

一不可不修陰德

蔡文節公曰積德爲求地之本也凡人欲爲子孫永  
遠計者當以公心處世方便行事一念合理百神歸  
向擇地論穴又其次也不然吾德之不修而徒責效  
於祖宗父母之遺骨朝移夕改愈更愈謬其悖逆不  
孝之罪適足以取誅譴於造物顧何益哉吳文正公



曰嘗見人家求得吉地而後人不蒙其福反見凶禍者何哉若非立穴之誤便是立向之差又有掘鑿太過傷龍傷穴變吉成凶又有已得吉地又得明師而乃固執已見移穴易向相地者惟務承順不復執術遂至舛誤又或術者儉心詭行不肯盡術又有既得吉地葬之不差而子孫輕信人言輒遷改他姓得之因以獲福凡此未必盡皆術者之過徃徃冥冥中有使之然者由不積德之故也不積德而求地譬之不耕而求獲寧有是理哉按二公所論切當蓋欲陰地好先須心地好先大父存耕公嘗勸人不可以勢力



營風水因作詩云踏破鐵鞋無覓處得來全不費功  
夫牛眠鶴舉獲奇遇只存方寸地中求

詩見存鄉達耕稿

松軒葉先生以之爲名言又宋謙父詩曰世人盡知  
穴在山豈知穴在方寸間好山好水世不欠苟非其  
人尋不見我見富貴人家墳往往葬時皆貧賤迨其  
富貴力可求人事極時天理變故得吉地必有德可  
以膺福然後神以吉地畀之神之畀以吉地即天之  
報善故也欲求吉地爲祖父宅兆俾先人之骸魄安  
而後世之榮盛不替者當先積德以端其本焉或曰  
求地旣本於德則亦修德而已擇地之術又焉用哉



予曰擇地以藏親爲計人子之於親也固當無所不用其極苟慮夫親魄之安危則豈容不慎重而廣擇之哉修德以俟天擇地以盡人並行而不悖仁人孝子之爲心也

附少保都督南塘戚公止止堂集一款

嘗觀琥珀繫草磁石引針之事而恠之夫琥珀磁石無知之物也草旣枯死而針經火煨煉生意何在一被引繫則舉躍動盪如生而針則鋒鋒相連可引數箇墜而復躍卽此則風水之說信乎其有而枯骨無知未敢以爲盡然然琥珀磁石其山川乎針草其遺



骸乎謂風水不可信者蓋以世人不修厥德惟以是  
爲務至有傾人身家忍心害理專謀風水以昌子孫  
者却不知地理與天理相爲流通茲一等人又在天  
理處責他而非地理之不驗也曾聞一人謀人葬地  
百計覓人訟害此家諸禍並臻思所以致之者彼又  
買托卜者向伊賣言曰某葬地不佳也能遷之則安  
矣既而伊家如其說遷之彼即謀其故地以葬其父  
葬未踰年所得禍更甚復疑而遷之發土至棺有白  
蟻蛀木成文曰此地若靈是無天理此地不靈是無  
地理夫天產佳地必待有德者得之世人遺天理而



求地理惑哉

按戚少保所引琥珀吸草磁石引針之說與葬書  
木華於春粟芽於室銅山西崩靈鍾東應之意相  
符皆所謂氣之相感者也祖父子孫同氣更復何  
疑末引地理本于天理之證尤所痛快予兄弟又  
嘗聞閩人言朱子之同安憇於道見一墳地山水  
甚美因問其樵者曰是墳子孫何如荅曰先是富  
室今葬後退敗公歎曰山有理水有理此地不發  
是無地理樵者告公曰此山原是某家業富室某  
貪其地占葬之某貧弱不能爭辨公又嘆曰山有



理水有理此地若發是無天理一夕爲雷所震今  
閩鄉猶能道其詳

已上瑣言皆慎終者所當先知故特揭諸首俾  
仁孝君子加察云

附雜說二款

論風水名義

地理家以風水二字揭其名者卽郭氏所謂葬者乘生  
氣也而生氣何以察之曰氣之來有水以導之氣之  
止有水以界之氣之聚無風以散之故曰要得水要  
藏風又曰氣乃水之母有氣斯有水又曰噫氣惟能



散生氣又曰外氣橫形內氣止生又曰得水爲上藏  
風次之皆言風與水所以察生氣之來與止聚云爾  
總而言之無風則氣聚得水則氣融此所以有風水  
之名循名思義風水之法無餘蘊矣或曰天地初分  
混沌之始只有風與水兩相推蘊故曰風水或曰風  
所以揚萬物水所以滋萬物故曰風水此則皆不切  
于葬理而又有水去則風來水來則風去之說益又  
舛矣

論龍脉穴砂名義

地理家以山名龍何也山之變態千形萬狀或大或小



或起或伏或逆或順或隱或顯支壠之脉段不常咫尺之轉移頗異驗之於物惟龍爲然故以名之取其潛見躍飛變化莫測云爾曰脉者何也人身脉絡氣血所由運行而一身之稟賦系焉凡人之脉清者貴濁者賤吉者安凶者危地脉亦然善醫者察人之脉而知其安危壽夭善地理者審山之脉而識其吉凶義惡此不易之論也然龍與脉二者相因有龍則有脉無脉則無龍但龍氣括乎形之顯著而脉又專主乎氣之隱微故曰山左難于認脉

穴者盖猶人身之穴取義至精楊公云譬如銅人針



穴穴穴宛然方始當朱子云定穴之法譬如針灸  
自有一定之穴而不可有豪釐之差此皆善狀穴之  
名義也砂者古人授受以砂堆撥山形因名砂耳



子須知卷之一

子須知

子須知卷之一



人子須知卷之二

江右德興山人

徐善

徐善

憲友同邑庠生

葉君

門人南昌

徐元良 叅錄

鄧中陽白居士

曾璠 校刊

此一卷專論天下大榦龍龍居地理四科之首堪輿家莫要於論龍論龍而不知天下大榦則所見者近而不遠所究者淺而不深所窺者狹而不廣烏乎可哉故首論天下大榦龍庶幾識其大者



論崑崙爲諸山之祖

性理大全臨川吳氏曰天下之山脈起於崑崙蔡牧堂  
發微論曰凡山皆祖崑崙陶公捉脉賦云大智察脉起  
自崑崙明山寶鑑云山脈之起本於崑崙郭氏錦囊經  
云塋者原其始衆其止誠以地理之法龍則原其始穴  
則案其止故不可不審山之起祖處也然觀山之所始  
必究其水之所起觀龍之所終必察其水之所界今以  
輿圖攷之天下諸水皆原於西北是可見山起於西北  
矣蔡文正公曰山水皆原於西北故禹叙山叙水皆自  
西北而東南是也或云崑崙在西海戍地北海亥地東



南接積石園西北接北戶之室東北臨太活之井西南  
至城南之谷亦荒遠莫稽而楊公又云須彌山生四龍  
崑崙特其南肢葛谿氏述其說曰須彌山是天地骨中  
鎮天心爲巨物四肢分作四世界惟有南龍入中國南  
龍入自崑崙山龍子龍孫皆可別雖據佛經人所罕見  
闕之可也今但以中國山川之可攷者論之則崑崙誠  
諸山之祖在中國之西北九峰蔡氏云中國山勢岡脊  
大抵皆自西北而來蓋可見矣

崑崙說曰崑崙之山三汲下曰樊桐一名板松二曰  
玄圃一名閼風上曰層城一名天庭是謂太帝之居



去嵩高五萬里地之中也○禹本紀與此同高誘稱  
河出崑崙伏流地中萬三千里禹導而通之出積石  
山按山海經自崑崙至積石一千七百四十里自積  
石出隴西郡至洛隄地志可五千餘里又按穆天子  
傳天子自崑崙入于宗周萬里西土之數自宗周漣  
水以西北至于河宗之邦陽紆之山三千有四百里  
自陽紆西至河首四千里合七千四百里外國圖又  
云從大晉國正西七萬里得崑崙之墟諸僊居之數  
說不同○其高萬一千里山海經稱方八百里高萬  
仞郭景純以爲自上二千五百餘里淮南子稱高萬



一千一百里一十四步二尺六寸

總論中國之山

朱子曰河圖言崑崙爲地之中中國至于闐音田二萬里于闐貢使自言西去四千三百餘里卽崑崙今中國在崑崙東南而天下山祖於崑崙惟派三幹以入中國其入夷國之山無可攷亦不足論今以中國山言之其河北諸山則自北塞武嵐憲諸州乘高而來山脊以西之水流入龍門西河脊東之水涿於幽冀入於東海其西一支爲壺口泰嶽次一支包汾晉之原而南出以爲析城王屋而又西折爲雷首又一支爲恒山又一支爲太



行山太行山一千里其山高甚上黨在山脊河東河北諸州在山支其最長一支爲燕山盡於平桑大河以南諸山則關中之山皆自蜀漢而來一支至長安而盡關中一支生下函谷以至嵩少東盡泰山一支自嶧冢漢水之北生下盡揚州江南諸山皆祖於岷江出岷山岷山夾江兩岸而行那邊一支去爲江北許多去處這邊一支分散爲湖南閩廣盡於兩浙建康其一支爲衡山而盡於洞庭九江之西其一支度桂嶺則包湘源而北經袁筠之地以盡於廬阜其一支自南而東則包彭蠡之原度歙黃山以盡於建康又自天目山分一支盡於



浙江西之山皆自五嶺贛上來自南而北閩廣之山自北而南一夫則又包浙江之原北首以盡會稽南尾以盡閩粵此中國諸山祖宗文派之大綱也

右特舉天下山而言未及水也復輯山水總說于後云按仁山金氏曰天地常形固相爲勾連貫通然亦各有脉絡自崑崙而東北言之則自積石而北爲湟水星海青海以至浩亶皆河源也入匈奴以東爲陰山又東南自代北雲朔分而南趨爲北嶽以至太行是爲河北之脊壺口雷首太嶽析城王屋皆其群峰汾晉涿易滹漳洹衛則皆其諸水也分而東趨者行



幽燕之北爲五關之險以至營平而爲碣石此北絡也自崑崙以東言之則自西傾而洮水出其北入河桓水出其南入江又東爲朱圉烏鼠諸隴則爲渭之源以北卽夾河源而北以東若岍岐若荆山諸峰涇水漆沮諸源也自渭以南卽西傾而下諸峰亘爲終南屹爲太華東北爲穀陝東南爲熊耳外方嵩高伊洛之源又南爲桐栢淮源以達于淮西諸山此中絡也又自西傾朱圉而南分是爲嶓冢漢源夾漢而趨者北卽終南華熊諸隴南則蜀東諸峰說者謂蜀東諸山皆嶓冢正謂其岡岫綿亘耳又東南言之是爲



岷山江源夾江而東者北支卽西傾以南岷冢以西  
之脉爲涇水西漢水如江陵諸源其南支卽南趨爲  
蒙蔡諸山青衣大渡馬湖江諸源又東包涪黔一盤  
而北爲三峽其出者包絡九江之源中盤中爲衡山  
其再盤而北爲廬阜其嶺之東出者又爲袁吉章貢  
盱信諸江之源至分水魚梁嶺三盤而北趨過新安  
峙天目盡昇潤再盤之間其水聚洞庭三盤之間其  
水聚彭蠡三盤以東則南爲閩浙北爲震澤此南絡  
也惟泰山則特起東方橫亘左右以障中原此所以  
爲異與又曰泰山特起東方爲中國水口表鎮禹貢



導水略云導河至同爲逆河入于海導漾至東爲北江入于海導江至東爲中江入于海導沔水至東北會于汶又東入于海導淮至東會于泗沂東入于海導渭至東過漆沮入于河導洛至東會于伊又東北入于河此中國山水大勢也

朱子曰河圖言崑崙者地之中也素問曰天不足西北地不滿東南水經云崑崙取嵩山五萬里看來不會如此遠蓋中國至于闐二萬里于闐去崑崙無緣更有三萬里文昌雜錄記于闐遣使來貢獻使者自言其地四千三百餘里卽崑崙山今中國



在崑崙之東南而天竺諸國在其正南大抵地形如饅頭然其尖則崑崙也

九峰蔡氏曰河北諸山根本脊脉皆自代北褒武嵐憲諸州乘高而來其脊以西之水則西流以入龍門西河之上流其脊以東之水則東流而爲桑乾幽冀以入于海其西一支爲壺口秦嶽次一支包分晉之原而南出以爲析城王屋而又西折以爲雷首又次一支乃爲太行又次一支乃爲恒山此大河北境之山也其江漢南境之山則岷山之脉其北一支爲衡山而盡於洞庭之西其南一支度



桂嶺北經袁筠之地至德安之敷淺源二支之間  
湘水間斷衡山在湘水西南敷淺源在湘水東北  
朱子曰天下之山西北最高自關中一支生下函谷  
以至嵩山東盡泰山此是一支又自壻冢漢水之  
北生下一支至揚州而盡江南諸山則又自岷山  
分一支以盡于兩浙閩廣

又曰大凡兩水夾行中間必有山兩山夾行中間必  
有水江出岷山岷山夾江兩岸而行那邊一支去  
爲江非許多去處這邊一支爲湖湘南又一支爲  
建康又一支爲福建二廣



又曰峨山之脉其一支爲衡山者已盡于九江之西  
其一支又南而東度桂嶺者則包湘源而北經袁  
筠之境以盡于廬阜其一支又南而東度庾嶺者  
則包彭蠡之源以北盡于建康其一支則又東包  
浙江之原而北其首以盡會稽南其尾以盡於閩  
越

朱子語錄云佛經說崑崙山頂有阿耨大池水流四  
面出東南流入中國者爲黃河其三方流者爲弱  
水黑水之類

東坡指掌圖云西域在山奴之西烏孫之南南北有



大山中央有河東則接漢所以至門陽關西則限以葱嶺其南山東出金城與漢南山屬焉其河有兩源一出葱嶺一出于闐于闐在南山下其河北流與葱嶺河合東注蒲昌海其水停居冬夏不曾減也皆以爲潛行于地下南出于積石山爲中國河云

臨川吳氏曰水發自崑崙者其源爲最遠惟中國之河爲然漢之發源於壻冢江之發源於岷山以西視他水亦可謂遠而非極於山脉初起之處則不得與河源並也故天下有源之水河爲第一古人



蔡川先河後海重其源也

朱子曰女真起處有鴨綠江傳云天下有三處大水  
曰黃河曰長江曰鴨綠是也

蔡牧堂曰凡山皆祖崑崙分支分脉愈繁愈細此一  
本而萬殊也凡水皆宗大海異派同流愈合愈廣  
此萬殊而一本也

臨川吳氏曰天下之山脉起於崑崙山脉之所起即  
水源之所發也

水經云江水出岷山在蜀氏道縣大江所出東南過  
其縣北岷山即瀆山也水曰瀆水又謂之文阜山



在徽外江水所導也益州記曰大江泉源卽今所  
聞始發羊膊嶺下緣崖散漫小大百數殆未濫觴  
矣東南下百餘里至白馬嶺而歷天彭關亦謂之  
天谷秦昭王以李冰爲蜀守冰見氏道縣有天彭  
山兩山相對其形如闕謂之天彭門亦曰天彭關  
江水自此已上至微弱所謂發源濫觴者也  
淮水淮水出南陽平氏縣胎簪山東北過桐栢山山  
海經曰淮出餘山在朝陽東又鄉西尚書導淮自  
桐栢地理志曰南陽平氏縣王莽之平善也風俗  
通曰南陽平氏縣桐栢大復山在東南淮水所出



也淮均也春秋說題辭曰淮者均其勢也釋名曰淮韋也韋繞楊州北界東至于海也

河水春秋說題辭曰河之爲言荷也釋名曰河下也隨地下處而通流也考異郵曰河者水之氣四瀆之精也孝經援神契曰河者水之伯上應天漢新論曰四瀆之源河最高而長從高注下水流激湲故其流急徐幹齊都賦曰川瀆則洪河洋洋發源崑崙九流分遊北朝滄淵驚波沛厲望海揚奔物理論曰河色黃者衆川之流蓋濁之也百里一小曲千里一曲一直矣漢大司馬張仲議曰河水濁



卷之二  
清澄一石水六斗泥而民競引河溉田今河不通  
利至三月桃花水至則河決以其噎不洩也禁民  
勿復引河是黃河兼濁河之名矣述征記曰盟津  
河津恒濁方河爲狹北淮濟爲闊寒則冰厚數丈  
冰始合車馬不敢過要須孤行云孤善聽水下無  
聲乃過人見孤行方渡

又河水說山海經曰河水出渤海又海水西北入禹  
所道積石山山在隴西郡河間縣西南羌中余考  
群書咸言河出崑崙源潛發淪于蒲昌出于海水  
故洛書曰河自崑崙出于重野謂此矣經積石而



爲中國河故成公子安大河賦曰覽百川之弘壯  
莫尚美于黃河潛崑崙之峻極出積石之嵯峨釋  
氏西域傳曰河自蒲昌潛行地下南出積石而經  
文在此似于不同積石宜在蒲昌海下矣

漢水漾水卽漢水發源也漾出隴西成道縣嶓冢山  
東至武都沮縣爲漢水又東南至廣魏白水縣西  
又東南至葭萌縣東北與漾水合沔水卽漢水沔  
出武都沮縣東狼谷中沔水一名沮水間騶曰以  
其初出沮如然故曰沮水此縣之受名焉導源南  
流泉街水注之出河池縣東南流入沮縣會于沔



沔水又東南逕沮水而東南流注漢而沮口所謂  
沔漢者也尚書曰嶓冢導漾東流爲漢山海經所  
謂漢出鮒嶠山也東北流得獻水口庾仲雍云是  
水南至關城合西漢水漢水又東北合沮口同爲  
漢水之源也故如淳曰此方爲漢水爲沔水故孔  
安國曰漾水東流爲沔蓋與沔合也至漢中爲漢  
水是互相通稱矣

濟水濟出王屋山今孟州始禹導水流而爲濟截河  
南渡東流與汝水會又北東入於海兗州在濟河  
之間濟發源爲名今濟州乃發源也濟水自王莽



時入河同流入海濟河之地無濟水矣

中國三大幹龍總覽圖附下



中國三大幹





龍 總 覽 之 圖





論九州山鎮川澤

按周禮職方氏東南曰揚州其山鎮曰會稽其澤藪曰

具區五湖也其川三江其浸五湖正南曰荊州其山鎮

曰衡山其澤藪曰雲膏其川江漢其浸潁潁潁未河南

曰豫州其山鎮曰華山其澤藪曰莆田在中其川滎雒

其浸波播音滎正東曰青州其山鎮曰沂山蓋在沂水所出其澤

藪曰望諸在睢陽其川淮泗其浸沂沐沐出河東曰兗州

其山鎮曰岱山其澤藪曰大野在鉅野其川河洧其浸盧

維盧維雷為雷雍禹貢雷夏正西曰雍州其山鎮曰嶽

山吳嶽也其澤藪曰弦或作蒲其川涇陽涇洧洧在幽其

在沂



浸渭洛

洛出懷德

東北曰幽州其山鎮曰醫無門

在遼東

其澤

藪曰獫狁

在長廣

其川河沛其浸菑

出萊蕪

時

出般陽

河內曰

冀州其山鎮曰霍山

在其澤

藪曰楊紆

所在未聞

其川漳

長其浸汾

出汾陽

潞

出歸德

正北曰并州其山鎮曰常山

在上

曲陽

其澤藪曰昭餘祁

在其川

澤池

出鹵城

嘔夷

出平舒

其浸

涿

出廣昌

易

出故安

注曰此九州川界揚荊豫交雍冀與禹

貢略同青州則徐州之地幽并則冀州之地獨無梁云

### 論山河兩戒

按唐一行以天下山河之象存乎兩戒北戒自三危積石負終南地絡之陰東及太華諭河竝雷首底柱王屋



太行北抵常山之右乃東循塞垣至濊貊朝鮮是謂北  
紀所以限戎狄也南戒自岷山嶓冢負地絡之陽東及  
太華連商山熊耳外方桐栢自上洛南逾江漢攜武當  
荆山至于衡陽及東循嶺徼達東甌閩中是謂南紀所  
以限蠻夷也故星經謂北戒爲胡門南戒爲越門河源  
自北紀之首循雍州北徼達華陰而地絡相會竝行而  
東至大行之曲分而東流與涇渭濟瀆相爲表裏謂之  
北河江源自南紀之首循梁州南徼達華陽而與地絡  
相會竝行而東及荆山之陽分而東流與漢水淮瀆相  
爲表裏謂之南河故於天象則洪農分陝爲西河之會



五服諸侯在焉自陝而西爲溱涼北紀山河之曲爲晉  
代南紀山河之曲爲巴蜀皆負險用武之國也自陝而  
東三川中岳乃爲成周西距外方大伾北至于濟南至  
于淮東達鉅野爲宋鄭陳蔡河內及濟水之陽爲鄴衛  
漢東濱淮水之陰爲申隨皆四戰用文之國也北紀之  
東至北河之北爲邢趙南紀之東至河南紀之東至河  
南之南爲荆楚自北河下流南距岱山爲三齊夾右碣  
石爲北燕自南河下流北距岱山爲鄒魯南涉江淮爲  
吳越皆負海之國貨殖之所阜也自河源循塞垣北東  
及海爲戎狄自江源循嶺徼南東及海爲蠻越觀兩河



之象與雲漢之所次始而分野可知矣

論三大幹龍

朱子曰天下有三處大水曰黃河曰長江曰鴨綠江今以輿圖考之長江與南海夾南條盡於東南海黃河與長江夾中條盡於東海黃河與鴨綠江夾北條盡於遼

海

按鴨綠江近時使朝鮮諸臣至其地見之回謂其源甚短淺必別有一水夾送北幹然荒漠莫之能考矣

此則目其水源極遠者言之耳若其分幹之條猶多難以盡舉如以江淮河漢四瀆論則中幹又自分三條大抵河源極長江次之淮漢又次之故有三條四列之說不過槩論其大而已



論南條榦龍脉絡

按廖氏金壁玄文云大江以南之龍其脉起自岷山在茂

州岷山縣遠行而西自西而南至雲南之境又東趨夜郎踰

桂嶺至零陵爲九疑山入桂連撼龍經云五嶺分星入

桂連是也過大庾嶺出南雄由汀從邵武抵信走徽東

行爲天目一枝爲錢塘經云一枝分送入海門凡稱經者卽楊

公三龍經後倣此又云海門旺氣連閩粵南龍交隴交相纏繞

是海門南脉絡貨財文武交相錯是也一枝爲建康南

京應天府盡江陰經云榦龍盡在江陰瀆是也一枝逆長江

盡鄱湖○其水源自蜀岷山至于九江會彭蠡下而過



秣陵出京口以入於海

論中條榦龍脉絡

大河以南大江以北乃中條榦龍其脉起自西傾

在洮州

縣行隴右經云山來隴右尖如削盡是貪狼更高卓是

也過鳳翔經云行行還卸大散關

在鳳翔府寶雞縣

百二山河

在此間大纏大護到函谷

在弘農縣

水遶黃河如玦環是也

為長安一枝出熊耳

在高州

經云低平漸漸出熊耳萬里

平洋漸如砥是也為嵩嶽為汴經云大梁形勢亦無山

到此尋龍何處是若無河流與淮水渺渺茫茫不見山

是也此處脉亂於河經云河流衝決山斷絕又無石骨



又無脉君若到彼說星峰一句不容三寸舌是也出充  
爲泰嶽經云黃河在北大江南兩水夾行勢不絕行到  
青齊忽起峰兗州東嶽挿天雄分枝擘脉鍾靈氣聖賢  
多在魯邦中是也一枝盡於登萊一枝盡於滄棣○其  
水源則濟水出絳州垣曲縣至孟州溫縣入河復出河  
之南溢而爲滎又東北至于青州入海自宋元以來河  
水穿淮黃河故道淤而東嶽泰山今在河北矣

又一枝自壻冢西行湄州漢水之間出武關由裕過唐  
抵信陽行淮水之南趨廬行淮水之東爲楊盡于通○  
其水源漢水出壻冢至漢陽縣入江○淮水出桐柏山



在唐州桐栢縣至淮安入海此中榦分而為二故曰三條四列

論北條榦龍脉絡

大河以北之龍其脉起自崑崙經云崑崙山脚出闐顏

闐音田西域國名隻隻都是破軍山連綿走入榦海北北海風

俗强悍人粗頑生兒五歲學騎射骨鯁方剛是此間是

也至白登山名在大同府白登縣西一枝為壺口在隰州吉鄉縣太嶽在晉

州霍次一枝南出為析城在澤州陽城縣而又西折為雷首在河

中府河又次一枝為太行在懷慶河內北至幽州九嶺

又次一枝為恒山在定州曲陽縣又次一枝為燕山盡于平灤

碣石山在平州盧縣經云若以榦龍論大盡太行碣石至海



塹是也○其水源則汾水出管州管涔山至絳州入于海  
已上中國諸山皆如崑崙分派四列以遍九州北條  
出河北入雲中過鴈門代郡復回南而太原帝丘  
循太行恒由派九河東北渡遼海以入于海爲冀  
燕之分○中條出河南自秦隴三輔入豐沛汾晉  
派伊洛東而淮泗以入于海爲雍豫徐青之分○  
南條出江南自陝右分出西鄙迴巴蜀踰荆衡入  
黔中東而匡阜南極瀕海東北渡閩粵跨三吳自  
浙右以入于海爲梁荆揚之分此三幹之布于九  
州也三幹之龍中幹爲最尊次北幹又次南幹歷



代以來如漢高祖之泗上漢光武之白水村宋太  
祖之夾馬營我太祖之鍾離鄉我世宗肅皇  
帝之龍飛承天皆在中榦而唐虞之君俱爲北  
產南榦至宋高南渡以來運氣方興萃產朱子爲  
萬世儒宗而邇來文物東南頗多其最長者爲金  
陵我國朝根本重地太祖高皇帝龍興之畿  
也中榦之最長者盡東秦翻身顧祖東海外盪河  
江前向萃產孔聖及賢貴凝聚宋末河徙截其來  
脉者三會通河復加截之其力遂微而中榦之王  
氣乃萃於泗州鳳陽我皇朝熙祖仁祖二



陵在焉按王文祿龍興慈記云泗州有楊家墩

有窩

熙祖嘗卧其中有二道士過指卧處曰若

葬此出天子其徒曰何也曰此地氣暖試以枯枝

栽之十日必生葉告

熙祖起曰汝聞吾言乎

熙祖佯睡乃以枯枝插之去

熙祖候之十日果

生葉

熙祖拔去另以枯枝插之二道士復來其

徒曰葉何不生是時

熙祖在彼睨之道士招曰

必此人拔去矣

熙祖不能隱道士謂曰汝有福

歿當葬此出天子

熙祖語

仁祖後果得葬葬

後土自壅爲墳半載

陳太后孕

太祖皆言此



墩有天子氣 仁祖徙鳳陽生 太祖于盱眙縣

鍾離靈跡鄉方圓丈許至今不生草木 仁祖崩 太祖奉神柩至

中途九龍崗風雨大作索斷土自壅成墳人言葬

九龍頭上按松江徐長谷大地圖云

熙祖陵龍脉發自中條王氣攸萃前渚水成湖作

內明堂淮河黃河合襟作外明堂淮上九峰插天

爲遠案黃河西繞元末東開會通河復遶之而

聖祖生矣 仁祖陵卽吳景鸞戲宋室者宋不能

用蓋天留以待我 皇朝之厚福無疆也豈偶然

哉北幹最長爲燕京今京師也朱子曰冀都是正



天地中間好箇大風水山脉從雲中發來雲中正  
高脊處自脊以西之水則西流入于龍門西河自  
脊以東之水則東流入于海前面黃河環遶右畔  
是華山聳立為虎自華來至中為嵩山是為前案  
遂過去為泰山聳於左是為龍淮南諸山是第二  
重案江南諸山及五嶺南安大庾嶺桂陽嶺南嶺九真嶺臨賀嶺  
治安越城又為第三四重案正謂此也吳興唐子  
鎮以燕京為枝結謂朱子所論冀都指作堯都非  
也彼蓋未考舜分冀東為幽州而幽燕古通稱冀  
耳儻如所指則朱子又何復曰堯都中原風水極



佳左河東太行諸山相繞海島諸山亦皆相向二

云此不待辯說而明矣故丘文莊公衍義補直以

朱子所稱為今京師誠確見也其以燕京為

結者不為妄談乎夫南榦正結為南畿及我

太祖高皇帝孝陵在焉中榦正結為我熙祖

泗洲仁祖鳳陽二陵中結為我承天獻宗皇

帝顯陵北榦正結為今日京師暨天壽山

川列聖陵寢三榦之盡惟我朝獨會其全而視

唐虞以來或得正榦之一或得分榦之一者能行

數百年之基則我皇朝三大榦之全福力量真




億萬斯年可預卜于茲也草茅之士躬逢其盛寧  
不爲聖朝之深慶哉



人子須知卷之二











蘇子人

一